

և ասէ ցՂայմաղ Խան. «Լալա՛յ, զի՞նչ քն
 սեաւքն այնոքիկն: Ասէ Ղայմաղ Խանն.
 «Ընուեալ է իմ, թէ պատրի ոմն եկեալ է
 յԱճամստանայ, և կամի համբուրել զոտս
 քոն: Եւ առաքեաց Ղայմաղ Խանն սուր-
 հանդակ մի՛ զի ընդ առաջ դայցեն: Եւ
 ունէր կաթուղիկոսն յաջոյ ձեռին զխա-
 թիշարիֆն Փիլիպպոս կաթուղիկոսին, և ի
 ձախոյ ձեռն զարզն, և համբուրեալ զձեռ-
 սըն, և լայր կսկծանօք և դառն հեծանօք:
 Եւ հրամայեաց Արքայն առնուլ զթուղթն.
 և խոնարհեցոյց Ղայրապետն զգլուխն, և
 ասէ. «Ուխտեալ է իմ համբուրել զոտս
 Թագաւորին, և իմով ձեռամբ տալ ի նա
 զթուղթն»: Եւ կոչեցին զկաթուղիկոսն առ
 Արքայն. և ետես զնա զի լայր. ասէ. «Մի՛
 լար ընտիրք». և էառ զթուղթն: Եւ կա-
 թուղիկոսն կախեալ զոտս, և քսէր գերեսն:
 Իսկ Թագաւորն խոնարհեալ, և կալու
 զմօրուաց նորա, բարձրացոյց, և ասէ.
 «Մի՛ լար, բարա, զի զխնդիր քո կատարե-
 ցիցն: Եւ բացեալ զխաթիշարիֆն, ասէ.
 «Իմ է տուեալ սա, և ո՞վ է որ ընդդիմանայ
 սման: Եւ բացեալ և արզն ընթերցեալ՝ ասէ.
 «Յորո՞ւմ աշխարհի է Ուչքիլիսայն: Ասէ
 Ղայմաղ Խանն. «Ի կողմն Պարսից էն: Ասէ
 Արքայն. «Ընդէ՞ր ոչ երթայ առ Թագա-
 ւորն Պարսից ի դատաստան»: Ասէ Ղայմաղ
 Խանն. «Թ՛չնամի սորա ի մերում կողմանց
 էն: Ասէ Արքայն. «Չիա՞րդ կարիցէ առնել
 նա իշխանութիւն յԱշխարհին Պարսից, ե-